

Hist. 14682





No. 63.

2 1/2

Piemie, rok 1037  
590/1

6/2















THE UNIVERSITY OF



THE UNIVERSITY OF  
THOMAS NEW  
DE  
CONSTANTIA  
THOMAS NEW  
IN  
FACULTY







Exsurgunt patula Regales Casside Pluma,  
 Coccineo manans Umbo cruore rubet:  
 Et Laureum meritis referunt Insignia FALCES  
 Oyas cingit duplici CRUX bene posta loco.  
 CRUX Pietatis Honos: adhibet Prudentia FALCES,  
 Schema Viri Fortis Nobile PLUMA facit.  
 Extendunt istis PRUSSE Virtutibus arum  
 Gens REGIA PATRIS Gens adamata DEI.  
 Jacob Sandrart sculpit.





*[Faint, illegible text, likely bleed-through from the reverse side of the page.]*



C. THAMNITI  
THORUNIENSIS.

DE

CONSTANTIA  
THORUNIENSIIUM  
IN OBSIDIONE PROBATA.

ORATIO.

Exscripsit Typis MICHAEL KARNALL.

5911.



C. THAMNITI  
THORUNENSIS.

D.E.

CONSTANTIA

THORUNENSIS

IN ORATIONE PROBATA.

ORATIO.

PER M. THOMAS THORUNENSEM

PER M. THOMAS THORUNENSEM



GENEROSÆ PRUSSORVM GENTI

JOANNI,  
HEINRICO,  
GEORGIO,  
PRUSSIS:

PATERNI NOMINIS ET VIRTUTUM  
HEREDIBUS EX ASSE FELICISSIMIS:

VIRIS

PER MAXIMOS HONORUM IN PATRIA RP. GRADUS,  
RESPECTIVE

BURGGRABIATUM PROCONSULAT.  
CONSULAT. SCABINATUS.

&c. &c.

EMINENTISSIMIS.

HEREDITARIA BENE DE PATRIA MERENDI VOLUNTATE

LAUDATISSIMIS:

BENIGNITATE IN ECCLES. SCHOL. LITERAS MAGNIFICIS;  
MAXIMA AUTORITATE, INSIGNI PRUDENTIA, VIR-  
TUTUM OMNIS GENERIS CULTU

OBSEQUIO IN REGEM, STUDIO IN REMP. FIDE IN PATRIAM  
NOBILISSIMIS:

MAGNIS SUIS MÆCENATIBUS:

ISTUM DE CONSTANTIA THORUNIENSIVM SERMONEM,  
OB SINGULAREM ÆTERNÆ MEMORIÆ PATRIS  
IN ASSERTENDA TUNC CIVIVM FIDE  
INDUSTRIAM ET FELICITATEM,  
MANIBUS EIUS ATQ. VIRTVTI DEBITVM,  
QVASI ADITÆ PER HEREDITATEM GLORIÆ PARTEM;  
MONUMENTUM DEBITÆ GRATITVDINIS

L. M. Q.

D. D. D.

CLIENS PERPETUUS

C. THAMNITIUS THORUNIENSIS.



Am illud in Mentem Mihi venerat, FRATRES NOBILISSIMI: quod Ajaci suo fecisse Augustus ex Macrobiani indicio legitur; idem in Scriptionem hanc decernere, Spongiam castigatricem: quia, dum inter omne Triumphus Genus Hilaria VRBS NOSTRA agit, Vos, MAGNOS IN PATRIA VIROS ad Lacrimas adacturus viderer. Insolens omen, & fortassis minus virile, nisi quod ex actu Pietatis ingestum, non excusationem tantum, sed Laudem etiam mereatur. Quomodo enim, si non Lacrimas, at gemitus saltem cohibebitis, ubi, flexâ in memoriam Temporum anteriorum Mente, spirantem MAGNI PATRIS Effigiem, in Hac, quam Æternitatis Fano sacramus, Tabula intuentibus recrudescet Ejus in Vobis desiderium, quia Exemplum jam adolevit. Dulcedo in PATERNO NOMINE Maxima est, & exquisiti admodum affectus: Majorem in Virtute



tute illi sentiunt, apud quos

Tota licet veteres ostentent atria Ceras

Tralatitia tantum & vulgi hæc nobilitas  
est. At Vos & PATRIS, & in Eo Nobilita-  
tis Virtutisq; Dulcissima Nomina non ab-  
sentia quidem desiderabitis, cui enim hæc  
in obscuro? sed remotiora. Iam enim  
Ille, post delibatas Æternitatis primitias,  
inter beatos degit, relicta in Terris hac Fe-  
licitate: quod à Vobis quidem desiderari;  
in Vobis nequaquam possit. Magno sibi  
tum Beneficio TOTAM PATRIAM obstrin-  
xerat, cum, poscente jam Muralem Coro-  
nam hostili milite, fixis in ipsis Mœnibus  
Trophæis, & telis per Urbis interiora vi-  
scera grassantibus, Prudentia, Autoritate,  
atq; Constantia Spem Hostis eluderet: sed  
non minore item, quando Eos reliquit,  
qui & Honoribus Suis succederent, & No-  
mini, &, quod rerum caput est, Virtuti.  
Duplici nomine PATRIÆ PATER, quod  
Vos quidem genuerit Sui simillimos: Be-  
nificiis autem Cives omnes alios quasi fi-  
lios adoptarit. Hinc Magnum illud No-  
men



men ex Divi TRIVMFATORIS VLA-  
DISLAI, qvo meliorem alienæ Virtutis  
Censorem Sol neminem vidit, calculo  
meritus: tantum Gloriæ Vobis addidit,  
quantum optare Votorum Avaritia vel  
Maxima posfit. Qvod si obscuras, viles,  
& degeneres animas movet Parentum re-  
cordatio: qvid Vobis GENEROSI FRA-  
TRES, futurum est, qvi, qvia nonnisi Pa-  
terna, hoc est, honestissima quæq; mo-  
mentis omnibus designatis, toties desi-  
derare Eum videmini, quoties ex Heredi-  
taria benè de Patria merendi voluntate  
ad certamen Virtutum descenditis. Sed  
tamen non prævaricandum erit PA-  
TRIÆ, quæ dum Luctum suum dissimu-  
lat, qvod, quem in Vobis recepit, non a-  
miserit: præire Vobis videtur, ne arctio-  
rem existimetis nexum qvi Sanguinis,  
quam qvi inter PATREM & PATRIAM  
Fidei est & Amoris. Voluit, ut succede-  
retis in MAGNI VIRI Locum, DEVS:  
optavit PATRIA: Vos, ut & DEI vo-  
luntatem omnes intelligerent, & non ex-  
cide-



cideret votis suis PATRIA, Virtute Vestra effecistis. Univerſam prius PATRIAM debitricem habuit, Fidem Civium ſervando: mox partes Ejus ſingulas, in quibus Vos, cum aliis, difficiles pro Salute Populi excubias agentes collocavit. Debebantur Virtuti Ejus Laudes, debebantur Panegyrici: quorum ecce unus ad Manus Veſtras Benigniſſimas viam affectat, quod qui de PATRIA SERVATA agit, tacere de PATRE Ejus nec voluerit nec potuerit, nec, ſi Histo-riæ fundamentum Veritatem profiteretur, debuerit. Ad Vos contendit, quia Vobis debetur, quibus relicta ſua omnia MAGNVS PRVSSVS voluit, & in his Hereditatem Splendidiffimam, Gloriam & Virtutem. Abſit eqvidem omnis à Cultiffima Vrbe infelix alea! abſit longiſſimè omen! ſed, ſi detonare in nos Celum voluerit, ſimilis Virtutis experimentum à VOBIS EMINENTISSIMI FRATRES exſpectabimus, immò, quia per iſtantes MA-

B

GNI



GNI PARENTIS Manes desidibus  
esse VOBIS non licebit, flagitabimus.  
Conjuxi Vos, quos etiam nunc qui-  
dem Ætas, Honorum Gradus, disjun-  
gunt aliquid: Virtus & Amor Patriæ  
egregiè conjungit. Tu MAGNIFI-  
CE JOANNES PRVSS, tempesti-  
vè Reipublicæ ob illustres dotes admo-  
tus: toties ex FORTVNATISSIMI  
REGVM FORTISSIMIQ. Gratia  
BVRGGRABIVS: PROCON-  
SVL. Benignissimus Athenæi Nostri  
PROTO-SCHOLARCHA: AD-  
SESSOR JVDICII Nobilit. Cul-  
menfis: & CONSISTORII PRÆ-  
SES: VOS HEINRICE & GE-  
ORGI, NOBILISSIMI, SCABI-  
NATVS Veteris Opidi & Suburbici  
ADSESSORES, qui toties ingenti-  
bus & difficilimis ob Publicam Salutem  
curis in IVDICIIS, in omnium Vr-  
bis Ordinum Conventibus fatigamini: O-  
mnes Tres, PRVSSI: hoc est Amore PA-  
TRIÆ ardentissimi estis.

Hæc



Hæc Publica caussa fuit, cur VOBIS  
Orationem istam inscribi oportuerit,  
Publica in PATREM VESTRVM  
Pietas: Post DEVM quippe, post DON-  
HOFII ILLUSTRISSIMI Autoritatem,  
Hujus potissimum svasu effectum est, ut  
prospicientes bonorum suorum accer-  
sita incendia Cives impetu in hostem;  
adversus autem REGEM suum fervore  
accenderentur: ut Conjuges suas &  
Liberos, immò præsentissimum Urbis  
discrimen Constantiæ omnes posthabe-  
rent. Testor Conscientiam Civium  
omnium: Testor, quæ Æternæ me-  
moriæ caussa in splendidissimo Urbis  
Palatio Acta asservantur: utrinq; soli-  
dum Veritatis & manifestum testimoni-  
um petiturus. Rependit Tibi Decus  
Tuum posteritas PRVSSE: & repen-  
det, quamdiu benignum Virtutis æsti-  
mum in Mortalibus supererit. At  
Vos FILII Tanti PATRIS NOBI-  
LISSIMI: Accipite fructum Paternæ  
Gloriæ, immò, quia seriò hunc jampri-  
dem



dem imitamini, VESTRÆ. Red-  
didistis PATREM PATRIÆ: red-  
dent & Vos olim Vestra merita, & cum  
his surculi felicissimi, qui, cum voto bo-  
norum omnium, in maximam Patriæ  
Spem adolescunt. Multa erant quidem  
adhuc præfanda: privatæ causæ multæ,  
quarum impulsu, ut istud exile scriptum  
ad Vestrum deinceps Patrocinium per-  
tineret, est factum: sed magna illa &  
PVBLICA causa, ne commemoraret  
privatas, calamus represit: & id tantò  
magis, quod iam pridem, Vestra in dan-  
dis Benignitas: Modestia in accipiendis  
Beneficiis fibulam Mihi imposuerit. E-  
rit commemorandi ista aliàs locus; quem  
dum prævertit scriptum istud: hoc uni-  
cè Vos obtestatur, ut dum ad Triumfa-  
lia signa oculos: ad Tubarum & Tym-  
panorum fremitum: fragorem Machi-  
narum aures: memoriam CONSTAN-  
TIÆ THORVNIENSIS animum  
hodiè arrecturi estis: cogitetis, quo PA-  
TRE na-



TRE nati sitis: &, dùm impigrè Vir-  
tutum Eius vestigia premitis, quam ce-  
lebrem Nominis Vestri memoriam sitis  
relicturi. Valete MÆCENATES  
MAGNI, & ex voto omnia gerite.

*Thoruni Triumphalis Urbis Die quæ est  
XVI. Febr.*

ANNO CIO ICCLI

SUMMI VESTRI NOMINIS  
Studiofis.

C. THAMNITIUS Thoruniensis.

C PRO-



# PROGRAMMA



Princeps Scriptorum *Tacitus*, ut multa Romanorum alia, ita illud quoque quod *vetera tantum extollerent, recentium incuriosi*: more suo, seu liberè atque graviter notat. Invaluerat autem iste in urbe Domina Morbus, & radices tam altas egerat, ut Ætatem suam, perpetuo hoc quasi epitheto, *Incuriosa suorum*, in eo etiam, quem de Clarissimi Soceri Vita conscripsit, libro, Summus Historicorum insigniverit. Causas Ejus rei omninò aliquas esse oportet, quas, si ita visum est, cursorio heic oculo contemplemur.

Non dubium est, quin in magna apud gentes omnes veneratione Antiquitas fuerit, quam, si sapimus, adorandam, Philologorum non postremus Macrobius edixit. Nec defuere qui fatalia Seculorum decrementa; & celebres illas mutationes, ex Poëtarum primùm ingeniis haultas, mox & experientiæ quodam calculo comprobatas, solerter adstruxerunt. Unde, sive per popularem opinionem, qua (verbis Prudentiæ Magistri) *agere memoratu digna prioribus magis promptum fuisse* arbitramur, seu per illam, quam Antiquitati deberi existimamus, observantiam, & derivatam inde modestiæ speciem, fastidio recentia, vetera autem venerabundi excipimus, vel minora saltem iis, quæ olim gerebantur, Ætatis nostræ specimina putamus. Qua in re receptæ jam pridem opinioni accedit mortalium indoles, cujus ea est ratio, ut quæ oculis obno-

xia



xia semper habet, leviter tantum admiretur, ita, ut ea etiam, quæ principio inter miranda recensita sunt, si diutius apud nos perstent, sensim & sine sensu in neglectum prius, mox contemptum abeant. Quod si qui majorem quandam constantiam adfectent, ut non contemnant prorsus, majoris tamen, si frequentia minus essent, multa facerent. Circumferat aliquis per vastum hunc Orbis Terrarum ambitum oculos, eandem ubique agi fabulam, majusque rariorum atque remotiorum, quam præsentium esse æstimum planissimè deprehendet. Maximum illud Orientis Solis & Occidentis miraculum, statasque suas vices sollicitè adeò obeuntis, quia quotidianum est, minima mortaliū pars suspicit: diligentius id factura, si aut alii tantum id animadverterent, aut nostri rarò. Si verò in nubibus rariora quædam, licet ad ipsissimum Naturæ ductum expressa repræsententur, nova sunt, stupenda sunt. Idem in rebus aliis fieri videas, quando, quæ gentes habent singularia, à vicinis vel disitis prudentius æstimantur, quam illis quibus propria sunt. Aurum non in tanto olim apud Indos, quo apud Europæos pretio est habitum, nisi fortè Aurea quorundam Crasforum fames eos edocuerit, communem nunc omni Orbi habitali sententiam, aurum inter sacras res, & divinas censendum esse. Quid? an aliud Magnorum Virorum fatum est, quorum decoram famam præsentia minuit, & contemptus, in quem incidunt, magna pars est, in proximo esse. Quod sensisse mihi videtur prudens ille sæpius, sæpius callidior Tiberius, dignus cujus artes sagacissimus Taciti calamus depingeret,

js er-



js ergo, *confluentibus tot prosperis, ( sunt Tranquilli verba ) integra ætate ac valetudine repente secedere, seque à medio quàm longissime amovere statuit.* Consilium autem illius, in hunc modum, & acutè Svetonius interpretatur: *Ut inquit, vitato assiduitatis fastidio auctoritatem absentia tueretur.* Tachus Ægyptiorum Rex Agesilaum jam senem, suppetias sibi ferentem, cum præsens esset, contempsit, & scommatis insuper impetivit, ita, ut hic summam virtutis suæ famam, quam absens apud Ægyptios obtinuerat, adventu suo, atque præsentia pænè obtrivisset. Ita præsentium incuriosi mortales sunt, nec citius sensere Romani habuisse se Augustum, quam cum Tiberius succederet. Quanquam Augustus astuto consilio sibi de ea re providit, quando, (ex conjectura sagacissimi Taciti) Tiberium successorem nominavit, *ut deterrima comparatione gloriam sibi quæreret, vel, ex mente Svetonii, ut successore tali fieret desiderabilior.*

Quod igitur cælo contingit, ut, quia spectantibus semper in aperto est, minori admirationi sit: quod rebus, quas licet viles sæpè, & nullius pænè numeri sint, sola locorum in quibus nascuntur distantia commendat: quod viris Magnis, quorum splendori præsentia tantum præjudicium facit, idem præclarissimis factis evenire solet, quibus iniquissimo iudicio præteritis, *posteritas decus suum rependit, gloriamque quam cum primum patrarentur, meruerant: vetustas demum conciliat.* Multa alia Prudentissimus Historicorum his gemina habet, quæ si Programmatis modus id negotium caperet, non invito calamo persequeremur. Ita aurei sui de Agricole Vita libri exordio, disertim *vitia illa parvis magnisque Civitatibus Communia, ignorantiam Recti & invidiam nomi-*




nominat, quæ veterno isto & incuria suorum, Ætates deturpare solent. Et cui de posteriore dubium? cum hæc celebriorum factorum semper comes virtutem incolumem oderit, & tributas aliis laudes sibi præreptas: splendorē virtutis alienę, suę nebulas offundere, perquam iniquo interpretamento opinetur. Ignorantia porrò recti virtutem ambitione æstimat, & pro humanitate superbiam, frugalitate luxuriam, clementia crudelitatem, fortitudine temeritatem amplectitur. Vt ita si sciret hæc, quæ præclarè gerantur: si nesciret altera; operę utrinque pretium fieret. Sed hæc aliüs pensi sunt, nos id agimus, ut justam esse Taciti, quæ Romanos perstringit, censuram intelligamus. Nam id omninò existimandum est. *Non omnia apud priores meliora, sed nostram quoque ætatem multa laudis & virtutum imitanda posteris tulisse.*

Ex eorum censu THORUNIENSIIUM illa virtus fuit, quæ ante hos XX. & quod ultra numeratur, Annos, hostem Regni & suum, victricia tela ipsis Urbis mœnibus infigentem avertit. Tentabant tum Civium animos promissa, terrebant minæ. Quatiebant urbem lethalia fulmina, lambebant istum Chamæleontem edaces flamme, sed Urbs Hęc, DEI ope, & Civium virtute CONSTANTIAM SUAM PER IGNEM PROBATAM immortalī Memorię consecravit. Hęc ipsa Virtus in præteritorum temporum laudem, præsentium ornamentum, futurorum exemplum, digna est, ut Annalium fidei inserta, & præsentis seculi applausum & Posteritatis admirationem mereatur. Non Ergo tam recentis facinoris incuriosi, vetera tantum extollemus: non patiemur, ut Plinianum illud: Quia desimus fa-



cere laudanda, laudari ineptum putamus, expetere in Nos quocunq; modoposlit. Paupertinam ad rem tantam Symbolam Ego quoque adjecturus, ut Benignissimæ hujus Matris Alumnus, testandæ adversum Eam pietatis causa, in vestrum, MAGNI PATRIÆ PATRES ET HONORATISSIMI CIVES conspectum prodeco. Oratiunculâ nimirum tantæ Virtutis præconia Magnifici Urbis Hujus Senatus, Mæcenatum Optt. Maxx. Autoritate excepturus, Omnes Ordinum Omnium Cives, Titulis suis Honoratissimos, demisse ad Lycæum nostrum invito. *Adeste Viri Magnifici, Nobilissimi, Excellentissimi, Prudentissimi, Reverendi, Clarissimi, Spectatissimi Florentissimi, Doctissimi, Humanissimi; Mæcenates, Fautores, Amici: & Patrię, periculi sui seriem in sinum vestrum deposituræ vocibus, obsequentes aures præbere dignemini.* Dies Actui isti, si volet, qui super Nos vult & potest, Jovis sequens, Horæ à Nona Ante-Meridianę destinatæ sunt, qua die, & loco solito, quos demisse & majorem in modum observanter invitamus, expectabimus: atque peractis pro tam Gratiola præsentia debitis gratiis, cum hoc voto dimittemus: **UT QUÆ GERENT, OMNIBUS ATQVE SINGULIS, PUBLICA ET PRIVATA, EX VOTO PROCEDANT OMNIA.**



ORA-





# ORATIO.

**S**I ante hos Viginti & quod  
ultra numeratur Annos,  
cum dispersa late flamma-  
rum atq; ipsum prope Vr-  
bis umbilicum lambentia  
crepitacula undiq; ingruerent, cum inter  
lethalia Martiarum machinarum, nec pri-  
us, quam tumulos jecissent, in saxis emo-  
rientia fulmina, fatale Vrbi carmen tubæ  
occinerent: potiolem, opum, conjugum,  
liberorum, atq; ipsius vitæ quam Fidei &  
Constantiæ rationem habuissetis, THORU-  
NIENSES: neqve æternum Vestræ Virtutis  
Specimen ORBIS, qua se benigniora Celi  
climata porrigunt, suspiceret: nec Mihi  
VRBIS hujus Alumno, testandæ hunc in  
modum erga Patriam pietatis locus tam  
honestus fuisset. Nam & VRBS hæc Ve-  
stra,



stra, quæ spontaneo iam pridem sub GLORIOSISSIMAS POLONIÆ REGUM alas obsequio concesserat, ingens pristinae fidei deliquium passa, seculorum penè duorum CONSTANTIAM, exigui temporis intercapidine convulsam, inquinasset: & post agnitum Victoris arbitrium, ad ejus palatum, non veri legem explendæ Oratori dicendi partes fuissent. Ita quippe in versatili hac rerum mortalium scena fieri amat, ut, qui victi sua amiserunt, pari passu se quoq; amisisse: prudentiaq; , eloquentia, fide, nisi quam Victor laudat; excidisse videantur, atq; ad alienæ voluntatis nutum compositi, evulsa superiorum temporum memoria, nihil, nisi quod vincenti probatur, in vultu primum, lingua atq; gestibus: mox in pectoribus circumferant. Sed DEI Immortalis Ope, & Vestra, Cives, Virtute, REGI GLORIOSISSIMO concepta de Vrbe Spes: ipsi Civitati Gloria: Civibus Fides constitit, ut ita Ei, qui hoc tempore, de facie rerum illa dicere vult, & sentire quæ debet, & quæ sentit, dicere (quæ potissima libertatis



tatis sunt) integrum sit factum. Enixi sumus, repetitis quasi partus difficultatibus libertatem, illam à Magistris Crucis Sanctę hostibus primum oppressam, inimicis postea aliorum machinamentis tentatam : pro qua, quod sanguinem nostrum, ipsamque vitam pignori addiderimus, filios nos, quorum obsequium, ignea, ferrea & plumbea alimenta durarunt, Mater pietissima POLONIA complectitur. Dedimus tunc inspiciente Genere humano animi illius documentum, qui ad mortem potius obduratus erat, quam ut tepescentem, quę ALBÆ AQUILÆ candida & calens debebatur fidem admitteret: sed ita dedimus, ut solius DEI hic omnis partes fuisse, tutelarem illius dextram utramque; in toto periculo paginam fecisse non reverenter minus quam libenter agnoscamus. Hinc frequentati illi Anniversaria solennitate Campanarum per VRBEM totam pulsus, Civium omnis sexus, ætatis & dignitatis ad Sacra confluentium manipuli, concitatę Divinorum Præconum voces, tubarum in i-

E

pfa



psa DEI ede Sanctissimum classicum inge-  
minantium & reconditis suspiriis decorè  
se ingerentium gravissimus horror, atq̃ve,  
q̃vòd hac die fieri solenne est, Machina-  
rum ad turbidius ingenium sua incunabu-  
la referentium tonitrua: q̃vibus singulis id  
agi, ut salutis omnis momentum in Exerci-  
tuum Domino nos tunc posuisse teste-  
mur, hospes in hac Republica noverit. Et  
isthæc q̃videm q̃vantum in mortali hosti-  
mento est supremo Numini, cui vectigales  
animas gerimus, retulimus, immensa Cle-  
mentia precium in nuda confessione be-  
neficii q̃værentes, nunc nec præterita lau-  
de, nec præsentia ornamento, nec exem-  
plo sequentia tempora fraudanda viden-  
tur. Præclarissimarum enim Virtutum id  
fatum est, ut si iis temporibus gignantur  
q̃væ recentium incuriosa vetera tantum  
extollunt, neq̃; sint q̃vi victuris ingenio-  
rum vindiciis situm ab iis amoliantur, in  
neglectum prius mox in profundissimam  
oblivionem abripiantur. Præterea è repo-  
sueritatis est bene vel secus acta non igno-  
rari,



rari, ne illa ad superioris ævi memoriam  
relapsa, deesse sibi quod sequatur, aut do-  
leat, aut majoribus objiciat. Meruit au-  
tem VIRTUS illa, quæcum Supremi Impe-  
ratoris Tutelarem Clementiam imploras-  
set, auspiciorum eius ductusq; secura, mi-  
nas, ferrum, flammæ, imò præsentissimū  
Vniuersæ suæ Salutis præcipitium cultui  
in SERENISSIMUM DOMINUM posu habuit, ut  
inter Seculorum exempla ac decora collo-  
cetur. Meruit, ut eorum exerceat facun-  
diam, qui in culmine profectuum consti-  
tuti, Magnum Oratoris nomen citra no-  
tam usurpare possunt. Quæ causa est,  
cur Provinciam hanc, autoritate eorum,  
quibus parere præclarissima pars pietatis  
est, susceptam, in alios potius humeros de-  
volutam mallet, quam ut facti magnitu-  
dinem culpa ingenii detriturus, & rei ipsi  
& Auditoribus pudibundam sublatis oneris  
pænitentiam debeam. Sed quid? Mutus il-  
le invidiam Naturæ affectu Filii in subito  
Patris periculo convicit: Nos autem, dum  
ex periculi nubibus serenum Patria caput



extulit, dum violentiæ, in perpetuo cum Marte contubernio degenti eripuit se, non subduxit: inter eius triumphos, plausus, supplicationes, voces, & tripudia verbum facere nullum poterimus? quod si benedixisse is existimandus est, qui ea loquitur, quæ cum prolubio ab Auditorum animis accipiuntur, aliquid nobis quoque pollicebimur, qui à nebulis ad Solem, ab horrida tempestate ad malaciam, à questibus ad tripudia, à periculis ad portum: verbo, ab armis ad pulcherrimam pacem explicantes se in superiorum temporum memoriam animos publica hac voce invitamus. Quod igitur indultu Vestro fiat VIRI MAGNIFICI, NOBILISSIMI, EXCELLENTISSIMI, PRUDENTISSIMI, REVERENDI, CLARISSIMI, SPECTATISSIMI, FLORENTISSIMI, DOCTISSIMI, HUMANISSIMI, dicam quam animosè pariter & gloriosè ante Viginti & qui ultra numeratur Annos VRBS nostra potenti hosti victricia arma mænibus suis intendant frontem obverterit, & feram Constantiæ suæ laudem præclaro posteritatis exem-



exemplo consecrarit. Quod dum dicturus sum, VOS MÆCENATES MAGNI, FAULTORES OBSERVANDI, AMICI COLENDI, ea, quæ par est, observantia, & officiorum promptitudine exorandi mihi estis, ut de insignis exempli re non ex merito, sed pro ingenii modulo dicturo benevolæ Vestræ attentionis gratiam adspirare gratiose dignemini, quæ ne abutar, per compendia ibo, & summa sequar fastigia rerum.

Maiestas IAGELLONII Sanguinis, & dignissimæ melioris Orbis æstimio Virtutes SIGISMVNDVM TERTIVM, Senum Gloriosissimum, in Regio POLONORVM Solio collocaverunt. Ut enim Nationum Generosissimæ nisi hætenus antiquius visum sit, quæ ut omne in liberri-  
mo suo Regno hæreditatis jus declinaret, nequaquam tamen aliquod imminere libertati deliquium, ubi Virtutes magis quàm personæ succederent, gloriose existimavit. Quæ in re id fecit operæ pretium, quod ex una atq; eadem stirpe gloriosissimos furculos SIGISMVNDVM Se-

F

nem



nem Triumphantem, & VLADISLAVM  
Triumfando Senem, utrumq; gloriosissi-  
mè imperantem viderit, & hodiè SERE-  
NISSIMVM IOANNEM CASIMIRVM  
Paternarum & Fraternalium Virtutum  
insigne compendium, veneretur. Sed SI-  
GISMVNDI Electionem, eo ipso tempo-  
re, quo inter periculosa procellarum, tum  
intra Regni ipsius viscera subnatarum, tum  
à vi externa ingruentium præcipitia PO-  
LONIA nutabat, gloriose transactam: ac riam  
mox Gentium dissidia, armorum strepi-  
tus, ipsa arma, atq; minatrices ultimorum  
malorum flammæ excepere. Cum enim  
in eum, capeffendi novi Regni causa ab-  
sentem, IOANNIS Patris mors sacram  
purpuram, Svediciq; Regni Diadema de-  
rivasset, multa admodum intercessere &  
varia, quæ totam rem, mutuis primum in-  
ter SIGISMVNDVM REGEM & CA-  
ROLVM DVCEM argumentis mox ar-  
mis funestissimis implicuere. Vidit ergo  
excitus in spectaculum moesti duelli OR-  
BIS, SARMATICOS GOTHICIS Tri-  
onibus



onibus oppositos, in mutuam perniciem  
ire:&, dum Juris Arbitrium ferro quæri-  
tur, annosa utrinq; odia, in largo Sangu-  
nis profluvioadolescere. Successerat CA-  
ROLO GVSTAVVS, stupendis postea,  
qvas adversus AQVILAS ROMANAS obtinuit  
Victoriis, maximè clarus: qvi Regis pari-  
ter, & ex hereditario cum SIGISMVN-  
DO dissensu, hostis POLONORVM no-  
men assumpsit. Fuit verò belli, qvò po-  
tentissimæ Gentes inter se gerebant, ea-  
dem, quæ flammæ esse solet, ratio. Vt  
enim hæ, intra exiguas primum favillas  
conceptæ, ubi succreverunt, violenter se  
diffundunt, & per totam Viciniam vagan-  
tes: contagione inevitabili omnia corripi-  
unt, ita ingentis belli moles, ex LIVONIA,  
ubi aliquantisper, variante vices fortuna,  
militarium Virtutum GYMNASIUM erat, in  
PRUSSIAM demigravit. In hac ergo fre-  
qventer ac ambiguo Marte utrinqve res  
gestæ sunt, donec tandem celebre apud  
STRASBURGUM prælium adoriendæ Urbis  
nostræ viam stravisset. Postquam enim



dubiam ejus aleam æqvior SVECIS Vi-  
ctoria stitisset, VRANGELIVS Exerci-  
tuum Sveticorum Imperator, qvod sæpi9  
frangi, qvàm restitui rem cunctando vi-  
deret, maximumq; momentum Victoriæ  
esse, uti ita Victoria, ut proxima quæq; in-  
strumentum sequentis sit; probè intelli-  
geret: facta sibi per stragem hostium via  
THORUNIVM versus movendum existima-  
vit. Videbat callidus Dux, OCELLUM RE-  
GNI, Terræ hujus Virginem, illibato hæc-  
nus flore meritò superbientem: & locum,  
ex qvo ipsi interioris POLONIÆ nervi peti  
atq; atteri possent, non indignum, qvi pro-  
missis, minis, vi, tentaretur. VRBEM hanc  
inter obices fortunæ SVETICÆ esse, qvæ qvā-  
diu AQVILAS POLONAS comiter & reveren-  
ter haberet, terrere intimam SARMATIAM  
GOTHICI LEONIS rugitus tam facilè non  
potest: Ex hac propellendam in penetralia  
POLONIÆ legionum eluviem, & si Victoris  
nutui cessisset, & gravē REGNI toti9 Incu-  
bum, diutissimè se illi inhæsurum. Magnū  
gestis accessurum cumulum, si primus, si  
ultra



ultra gloriosos Regiarū Victoriarum cursus progressus, rem tantam ex voto confecisset: nec metuendum; etsi præter MANLIJ sui Imperium omnia isthæc struerentur, locum iniquiori interpretamento fore. Nam res, quæ sequiori successu imperantis spem eludunt, licet ad parendi legem compositæ sint, quod eventus causa imperari non debuerint, displicere: quas injusus, sed feliciter exsequeris, illis non semper MANLIANVM rigorem impendi. Incitamenti ejusmodi gnaviter innitenti, non deerant, quæ facilimos successus polliceri, imò ingerere videbantur militaria omnia, Recens Victoria, fore, qui tantam ejus vim remorari velle, temeritatem interpretaturi essent. Totam belli molem fama constare, quæ ut inopinatis nunciis homines percelleret, terrore omnia circumfundens, vel obstinatum maximè pertinaciam emolliret. Ita prosperiorum successuum rumoribus instructissimos aliquando exercitus commotos, quid futurum VRBI, quæ avertendis Victoris insultibus humanæ o-

G

pis



pis nihil haberet. Maximum ad extorquen-  
dam deditiōē argumentum esse, Victor  
vobis immineo, nec non posse non vinci  
VRBEM, quæ victo præsidio suo omni suf-  
flaminandæ hostilis Victoriæ Spe nudare-  
tur. Adhæc in mundo sibi, THORUNIENSIBUS  
impedita omnia: Duci ad expugnandam  
URBEM militem, qui quotidianis velitatio-  
nibus, præliis, inō victoriis innutritus, lu-  
culentæ prætereà prædæ objectu accens⁹,  
Acheronta ipsum perrupturus esset: Hic  
autem Civib⁹, auræ pacis dulcedine in re-  
rum bellicarum desuetudinem prolapsis,  
vel ipsam armorum ostentationem terro-  
ri futuram: aut prorsus non, aut infelicitè  
arma sumpturos, quib⁹ inter infelices Cō-  
jugum, Liberorum lachrymas & concla-  
matos Senum gemitus languescentibus,  
singuli ictus lethales viderentur. Male resi-  
sti, ubi apud hostem & propositum vires, &  
vires consiliū, & consilium celeritas, & ce-  
leritatem impetus exciperet. Si quæ castris  
inferrentur pericula, in ipso patentissimo-  
rum camporum ambitu dispalescere, aut  
si va-



si valeant, singulorum exitio circumscribi: quæ urbem peterent, ex arctissima viciniæ necessitudine omnibus, quod singulos affligeret, minari. Talia excitabant bellicam indolem, quæ militaribus auguriis fulta non obscuram futuræ victoriæ faciem præ se ferre videbatur. Vnde aliquot milium Exercitus, ejus pars; cui urbes capere, diripere, hostilem impetum commasculata fronte excipere, retundere, inter quotidianæ militiæ specimina censebatur, proximis URBI locis incubuit. Qui in summo rerum discrimine constituti, ingruentis periculi vim prospiciunt: apud eos periculum nosse pars Salutis est; perierunt iam qui perire se non sentiunt. Nam prævisa tela vel brutum declinaverit, prudentissimi mortalium non citius, quam, quando peti se non animadvertunt, circumveniuntur. Ita cum vim suam intentus rei gerendæ hostis URBI admoveret, alta apud nos securitas, atque ex ea nullus metus fuit. Sed ut in Republica, quam nec externæ procellæ petunt, nec enata in fibris interioribus mala



mala atterunt, fieri assolet, PACIS MUNIA  
THORUNIENSES tractabant. Cùm enim usi-  
tato in hac Republica Iure, Reus qvialienas  
res liberius attrectans, facere sui Iuris pes-  
sime consueverat, ad laqueum raptaretur,  
tota pænè VRBS ex angulis suis omnib9 ef-  
fusa, maleferiatum ad supplicii, qvòd me-  
ruerat, locum deducebat. Innatum qvippe  
humanæ curiositati est, ut eorum, qvos,  
aut præclarè rem, aut secus gerere audit, li-  
neamenta & vultus avidissimè intueatur.  
Nec crediderim esse, qvi, qvia AUGUSTUM,  
TRAIANUM, NERVAM videre desiderent: NERO-  
NIS, CALIGULÆ, DOMITIANI, & hujus numeri  
belluarum aliarum vult9 sibi repræsentari  
non optet. Hæc ergò curiosi Mortalium  
ingenii indoles totam ex mœnibus VRBEM  
exciverat. Omnis ætas, sexus, ordo, homi-  
nem crimini suo morte ignominiosa pa-  
rentaturum vago cursu proseqvebantur.  
Cessit autem ea res casu in compendium,  
cùm tanta hominū multitudo justī Exer-  
citus speciem præbere videretur, atq; ho-  
stis, qvi omnes horas præliorum, omnia  
momen-



momenta periculorum esse noverat, & securitatem pro crimine, imò certissimo exitio habendam esse didicerat, legiones ingruenti ut videbatur militi opponendas explicaret. Tum demum cervicibus suis hostem imminere, arma adversus VRBEM parari, duci, qui eam expugnarent, militum robur lectissimum, soliusq; campi æqvore nec dissito adeò, ab hoste se dividi, consternati CIVES sentiebant. Victi jam eratis THORUNIENSES, si vel lenta celeritate palabundos & ad longè spectaculum aliud oculos erigentes Miles oppressisset; victi. Quid enim? imbelles istas manus, inermia pectora, nudata capita, armis opposituri eratis, armis violentis, victricibus, armis in solidum robur lectissimo ordine compactis? Conclufa intra VRBIS mœnia blandissima Patrum, Socerorum, Coniugum nomina, viscera vestra liberi dulcissimi, imbelliæ etiam, nedum violento exercitui infelicissimè expositi. Ignovisset tot⁹ TERRARUM ORBIS si casu inopinato obruti armis, in quibus copiarum hostilium ipse nucleus

H

nume-



numerabatur territi, vi improvisa, qualis ingentem Exercitum concidisset, victi, humani aliquid passi fuissetis. Ignovisset AUGUSTUS & CLEMENS REX, si ab imbellibus, & per agros liberrimè dispersis: ab illis, qui nulla resistendi spe, interclusis omnibus effugii viis, à sola militum miseratione vitam expectare poterant, hostis victoriarum cursum prosequens aliquid extorsisset. Ignovisset POTENTISSIMA RESPUBLICA, si tanti periculi inundatione, cui se subducere nulla vis mortalium poterat, comperitam CIVIUM VIRTUTEM hostis terruisset. Infame illud in Romanis Annalibus nomen, Magister Iuventutis; qui profligata impietate inductus, turpe tradendorum hosti discipulorum consilium ceperat: callidè sed impiè animadvertit, totam se gentem subigendam offerre, cuius potissimam & pulcherrimam partem scelestissimè mortalium hostis manibus ingessisset. Et subacti penitus hoc scelere FALISCI erant, nisi ROMANUS Dux Virtute non dolo Victoriæ mensus, post irrogatum exquisitum  
sed



fed dignissimum supplicium hominem  
perfidum sua habere iussisset. Sed Vos, o  
CIVES, capiendi exempli, quo pœna ad u-  
num, fuga vitiorum ad omnes spectare de-  
bet, causa, ex carceribus Scholasticis di-  
misos liberos, eventus ignarissimi, in con-  
spectum hostis, immò pœnè sinum eduxe-  
ratis. Cepisset URBEM SI CIVES, CIVITATEM SI  
LIBEROS, LIBERTATEM SI CONIUGES, & sine omni  
molestiæ sensu, in tanto rerum suarum  
compendio futuris victoriis prælusisset.  
Arma armis opposita in ancipiti alea sunt:  
felicissimus quisq; armatus licet sit, ab am-  
bigua fortuna sibi timet, quos inermes ho-  
stis aggreditur, illos non Virtus non Consi-  
lium eripuerit. Lenta ergo tum vel celer-  
rima THORUNENSIBUS consilia, & si effuge-  
re prostitutæ fidei notam vellent, fugien-  
dum erat. Vidisses eos, qui tardo pasu pro-  
gressi alienæ miseriæ sensu afficiebantur,  
in eam tunc conjici, ex qua extricari nisi  
incredibili celeritate non possent. Ergo  
multiplicatis anhelitibus, per iter, quod  
calcantem tædio enecare possit ad Urbem  
advo-



advolant. Non iam quid quisq; amitteret,  
sed quantum PATRIA amisura erat, si secu-  
ri consisterent, interpretabantur. Diver-  
sissima rerum facies, cum ad quos loci Pa-  
trocinium spectabat, illi Patrocinio omni  
destituti in moenibus illud quærent.  
Primum hic est illud, nec levi prorsus ad-  
miratione dignum: potuisse in tanta trepi-  
datione Urbis repetendæ consilium iniri:  
non captos hostili velut indagine tot Ci-  
ves obhæsisse: quasi alarum, ita pedum re-  
migio, per impeditas arenis difficilimis vi-  
as ad tuendam Urbem delatos: non subna-  
tam preposteram in Virtute Hostis fiduci-  
am, parsurum tardè accedentibus potius,  
quàm ut tanto anhelitu ad tuendā Urbem  
properarent: & id genus multa alia, quæ ut  
singulis levia fortasse videantur, momen-  
tis non parvis in incondita multitudine  
præbere causam possunt. Hosti se, & mul-  
to quidem labore; nondum periculo eri-  
puerant. Hinc summa, in URBE hætenus  
pacata, & à bellicis turbis immuni trepida-  
tio. Occurrebant excepturæ Maritos Con-  
iuges,



juges, quos cœco quasi impetu ad arma  
ruere & in propriam perniciem ferri exi-  
stimabant, quasi non bellum illud bellum  
esset, quod PATRIÆ bono suscipitur. Ideo-  
q; lamentis, querulis, singultibus, suppli-  
ciis muliebribus, & ut hoc genus hominum  
solet, obtestationibus Virtutē Civium he-  
betabant, in subito periculo nihil aliud  
quàm periculi magnitudinē expendentes.  
Lachrimas hosti pro classico indicebāt, &  
ut eventus rerum, ex suo metu potius, quàm  
ex prudentia aliena aestimari volunt, con-  
clamatum esse de VRBE luctuosissimē opi-  
nabantur. Liberi ipsi, quos Natura, & ma-  
gnarum rerum ætas impos, tenebris quasi  
immersos tenere solet, ad Parentum vul-  
tum compositi, miseris ejulatibus periculi  
ignorantiam aggravabant. Nullo enim pe-  
riculi sensu tangebantur, nisi fortē ex subi-  
ta Parentum trepidatione hostem ad por-  
tas esse, quia SVECUS advolasset, intellige-  
rent. Alios indignatio ob interruptam VR-  
BIS tranquillitatem, alios fidei quàm Domi-  
no se suo debere considerabant, arcta lex,



exemplum alios ad arma protrahebat, undiq; improvisi periculi moles incusabatur. Nec deerant fortè, qvi, ut in tanto coetu contingere solet, Salutis suæ spem in lateribus reponerent, illiq;, qvi procul à Iove, à fulmine procul esset, optimè consultū arbitrarentur. Nihil fortasse frequentius est, quam superari illis aut obtundi quæ subita sunt & minus usitata: si quæ in assuetudinem abierunt, nec terrere possunt, nec nocere. Sunt qvi venenis pro cibo ex sola consuetudine utuntur: & horridas hiemes facilius Thrax, tempestivè gelidæ immerso, quam quicumq; alter pertulerit. Sic apud belligerantes sanguis, ferrum, ignes quotidiana & quasi domestica sunt: enecant hæc illos, qvi in blandissimo Pacis amplexu aliquantum hæsere. Cujus rei insigne exemplum THORUNIVM fuit, in qua dum studiis ejusmodi CIVES distinerentur: & singuli, ne vincantur universi, rem quantum possunt, gerunt: partium adversarū Dux, qvi propius iam ad VRBIS mœnia moverat, ex veteri militiæ lege, persuadere per literas

SENA-



SENATUI, ut deditiōem VRBIS faciat, conatur. Solet inter Mortales id quoq; hominum genuseſſe, qvos verborum lenocinio facile ſubigas, ſi dura intentes, callum obducunt. Nam quæ ſub Amicitiaſpecie accipiuntur, mereri obſeqvium poſſe: quæ duritiem oſtendant, illis minas, facta, virtutem, ultimo deſperationem reponi. Præterea armis rem urgere antequam omnia prius experiaris vix Sapientis eſſe Prudentes exiſtimarunt. Dux ergo inimici Exercitus URBEM amicè compellabat primum, ſed ita, ut ſi denegaret obſeqvium, cogi eã poſſe præ ſe ferret. Solum argumentum ingratum THORUNIENSIBUS, ipſa verba tam nitida, tam bellè compacta, ut nō inter arma, per quorum ſtrepitus exaudiri Muſarum voces non poſſunt: non in caſtris, ſed fabuloſo illo Poëtarum Helicone, aut ipſo officinaſe literariæ meditullio natæ & factæ viderentur. Merebantur itaque ſuum applauſum: ſed penitus omnem; non niſi ab iis, qui eruditiores, quàm fideliores eſſe poſſent. Declinabatur in illis omnis ſumtorum



torum injustè armorum suspicio: pacem  
qværi, qvæ ab adversa parte obtineri con-  
ditionibus nullis posset. Repræsentabatur  
recens Victoria, atq; quantum ex ea in  
URBEM hanc periculum derivaretur, quam  
periculosæ temeritatis ratio esset, resiste-  
re, cum non possis: graviter legentibus in-  
gerebatur. Offerebat armatus gratiam:  
Victor Clementiam: Miles humanitatem:  
Hostis libertatem: SVECUS Patrocinium:  
donec, qvæ melleæ ceperant, si promisso-  
rum mollis series contemptim haberetur;  
in sanguineas desinere videbātur. Nec per  
jocum hæc, aut levi saltem brachio geri, &  
eventus ipse & grandia illa terriculamen-  
ta docuerunt, qvæ GUSTAVUM ab insigniū  
ejusmodi VRBIUM excidio & ruina abhor-  
rere: nisi annuerent, incendia SUBURBIO-  
RUM, & extremum occupandæ VI Civita-  
tis periculum parari, inter minas admone-  
bant. Dum igitur publicis consiliis talia a-  
gitantur, obversabatur CIVIUM animo, à  
parte una: SACRAMENTI RELIGIO, qvæ, si facta  
atq; teçta servari deberet, à latere POTEN-  
tissi-



tiſſimi REGNI neqvāqvam abſcedendū eſſe  
inſulcabat: qvī juratam Principi mentem  
gerunt, illorum fidem nec promiſſorum  
dulcedine, nec minarum horrore ſubverti  
debere: Detestandi Exempli rem fore, ſi in  
URBE Terræ Huius primaria, tanta Sangu-  
nis parſimonia laboraretur, ut eſſent, qvī  
fidei ſuæ teſtimonium honeſta morte ob-  
ſignare recuſarent: extremam vim celeri  
momentorum fluxu abſorberi: pravis di-  
ctis factisq; ex poſteritate & infamia æter-  
num metum eſſe: rapidiſſimum Victoria-  
rū curſum, ſuis aliquando obicibus ſuffla-  
minari, & cum hoſte parem ſibi fore ſor-  
tem; ambiguum eventum: pulchrius for-  
taſſe morituros, qvī intra PATRIÆ ſuæ moe-  
nia, in amplexu ſuorum, applaudente Or-  
biſ totius Orchestra occumbentes, oſſua-  
riis ſuorum inferendi eſſent: qvam qvos in  
alieno ſolo, Victoriarum veſtigia legen-  
tes, opprimere caſuū incerta poſſent. Sed  
non leviora ex parte alia ſe ingerebant:  
PULCHERRIMA URBIS FACIES, & impium pænè  
videri, tam exqvīſita antiqvæ manus mo-



numenta excidio exponere: Arcem, quæ  
inter Orbis elegantias numeraretur, illam  
situ pulcherrimam, opere admirandam,  
structura stupendam, ordinatis maximè  
compagibus laudatissimam, rerum, quæ  
quotidiana in eadem diligentia expediun-  
tur Maiestate sanctissimam, hostilium ma-  
chinarum fulminibus, edacibus flammis &  
interitui obnoxiam futuram. Quid si ho-  
stis Victor URBEM ingrederetur, parsum  
ne Civili sanguini? avellendos ab uberibus  
maternis liberos, qui etiam, intempestivo  
maximè risu, hostilis ensis aciem irritaturi  
viderentur; Senibus ludibrium, Viris tor-  
menta, Fœminis pudoris naufragium, o-  
mnibus summam miseriam impendere.  
Ut enim nihil rerum ejusmodi ab hoste  
hactenus factitatum sit, metuendum ta-  
men, ne ille resistendi violentiam expiari  
aliter nolit: & fieri in suburbiis præludia ta-  
lia, quæ, ne meliora in VRBE sperarentur,  
obstiterent. Imminere extremam vim,  
quam ex solenni quadam Victoriæ quæ  
sanguine constitisset, consuetudine speci-  
mina



mina ejusmodi subsequerentur. Victori  
moderationem non semper commodam:  
& sanguinem atque scelera sitire militem,  
qui suum liberaliter profundens, pertina-  
cius ab aliis resisti, scelus putaret. Nam qui  
ex eventu, quodve hosti moras in VRBIS so-  
lo ulteriores necere, integrum non fuerit,  
isthæc talia metiuntur, ne illi parum æqui,  
immo, ut quod res est dicam, imprudentes  
sunt. Vicit tamen flammarum quas hostis  
intentabat ardorem, pulcherrimus obse-  
qvii, quo adversum REGEM suum incalue-  
rant Cives calor: vicit hostile ferrum fidei  
acies, si res præter votum casuræ essent, cum  
prolubio mucronem inimicum exceptura.  
Vicit sævitiam minarum, promissi, lura-  
mento sacrati memoria, unoque & eodem  
momento, quo deditiorem flagitabat ho-  
stis opponi sibi, quod solum Vrbs poterat,  
vires sensit. Aderat tunc in VRBE nostra,  
HEROS, Genere, Prudentia, Militaris Vir-  
tutis Speciminibus, summis apud GLORIO-  
SISSIMOS REGG: dignitatibus ILLUSTRISSIMUS  
GERHARDUS COMES à DÖNHOF. Hic  
pro



pro summa, quam & in peregrinatione, & superiorum bellorum expeditionibus sibi comparaverat, prudentia, SAGI & TOGÆ artibus insignis, conatum hostilium rationes non obscure omnes animadvertibat. Cum igitur videret grande hosti instruendarum plurium victoriarum momentum accessurū, si REGI THORUNUM decederet: omni opere id egit, ne subitum istud periculum, quælia vel fortissimos animos concutere solent, Civium Virtutem debilitaret. Et aderat spontaneo quasi sororimONIO Illustri Prudentiæ iuncta autoritas; quæ duo ubi se pariter contingunt, quodvis apud mortales efficere possunt. Instabat ergo ille etiam, atque opportuna verborum efficacia certissimum in CIVIBUS moriendi pro PATRIA decretū confirmabat. Sed vires deerant, ad quas, in URBE admodum exiguas, extra pomeria, quæ aut tergo hostis persequerentur, aut fronti se adversis conatibus objicerent, aut latus foderent, nullas; respiciens CIVIS desponsurū animū videbatur. Sed videbatur tantum, & ne vide-



videretur ultra, nobilissimo commento,  
ILLUSTRISSIMUS ratus, Virtutem bellicam,  
etiam inter summa periculorum ancipi-  
tia, Spe ali atq; sustineri: CIVIUM animos  
intervertit, auxiliares suas copias in pro-  
ximo esse, & iam iam Hostem lacesituras  
dictitans. Majus autem omnibus pondus  
accescit, cum conceptis ILLUSTRi fortitu-  
dine verbis, quasi pro proprio peculio de-  
certans, vitam quoq; se pro VRBIS incolu-  
mitate positurum HEROS ILLUSTRISSIMUS gra-  
viter admodum asleveraret; & verborū,  
Virtutem alienam accendentium vim, fa-  
ctis heroicis geminaret. Sequebatur itaq;  
tā MAGNANIMUM DUCEM CIVIS, in quo, Illustri  
iam exemplo excitato, præter adfectum in  
PATRIAM, & erga MAGISTRATVM obsequium,  
nihil Civile supererat, sed militaria omnia:  
Sequebatur non gemebundus, quod ILLU-  
STREM COMITEM & DUCEM factorum suorum  
& comitem videret, atq; præripi sibi devo-  
vendi pro PATRIA capitis pietatem ab ILLU-  
STRI Viro, ab Hospite, pæne indignaretur.  
Videbat immisceri densissimis periculis



CIVEM HEROS: dumq̃ve comitatur fidem  
THORUNIENSIVM, illi q̃vōd eum, q̃vi sine omni  
nota subducere se periculo poterat, parem  
ubiq̃; animum, non remissum, non langui-  
dum circumferre animadverterent, de-  
poscenda sibi, nō declinanda pericula esse  
arbitrabantur. Et ille q̃videm HEROS ILLU-  
STRISSIMUS æternitatem nunc auspicat̃, in-  
ter immortalia Virtutū suarum præconia  
hoc reliquit, q̃vōd in asserenda THORVNIEN-  
SIVM FIDE ILLUSTRIS, capitis periculo fid̃s fue-  
rit, exemplumq̃ve alienæ Virtutis potius  
q̃vām spectator esse voluerit. Excepere  
ILLVSTRISSIMVM hūc MAGNANIMI HEROIS ardo-  
rem vigiles JOANNIS PRUSS pro salute pu-  
blica excubiæ. Is enim BVRGGRABIUS, & PRÆ-  
SES tunc REIPUBLICÆ THORUNIENSIS, ut Sanctis-  
simum illud PATRIS PATRIÆ nomen, GLORIO-  
SISSIMO postea Triumphatorum GLORIOSISSIMI  
VLADISLAI IV. suffragio comprobatum  
expleret, eo tum tempore Virtutem suam  
exseruit, cum exserendæ ejus & magna ne-  
cessitas & difficultas summa esset. Hinc in-  
ter periculorum acerrima, q̃vāntū digni-  
tate,

tate, tantum Virtute conspicuus PROCON-  
SUL eminebat. Erigebat nutantem CIVI-  
UM vigorem, declinanti instabat; quos ere-  
ctos offenderat, propellebat: valida ubiq;  
sua Autoritate, quam SUMMI, MEDIOXIMI, IN-  
FIMI, tenerrimè omnes exosculabantur.  
Hinc videbant CIVES, non posse se de PA-  
TRIA non benè mereri, si ejus ductui obse-  
quentes, qui de illis optimè meritus erat,  
pesimè de hoste mererentur. Nec erat lo-  
cus longvori sub ejus auspiciis, quem ut se-  
riò amabant omnes, ita, præter autoritatẽ  
suam, tremendam Iurisiurandi fidem, &  
REGIUM nomen inclamantem, singuli ve-  
nerabantur. Non dissimularunt quoq; me-  
rita isthęc, cùm ad Cœlestia vocati, NOBI-  
LE in feretro Corpus siccis oculis intueri  
non possent: & NOBILISSIMAS exsuvias effe-  
rentes, largas lacrimas emitterent, parum  
Viriles futuras, nisi pro SUMMO VIRO & ex af-  
fectu summo effunderentur. Nos quoq;  
hâc ipsa Triumphali Die salutamus Manes  
ejus, & iam pridem inter defunctos relati,  
imaginem in servata URBIS fide æternam

EXO-



exosculamur. Sed & alii eo rerum turbine  
paternā publicæ rei curā gerentes peregrina-  
turæ nominis sui FAMÆ operati sunt: quo-  
rum quidam in subministrandis, quibus ex-  
ciperetur hostis, missilibus: lustrandis, &  
sedulo obeundis, CIVIUM circa VRBIS tute-  
lam studiis, excitandis & irritandis eorum  
animis: ut Spei in DEUM & precibus CON-  
STANTIAM atq; Virtutis experimenta ad-  
jungerent: Alii militarem disciplinam &  
CIVIUM Ordines ingeniosa & perita manu  
instaurantes: & sua quisq; pro communi  
Salute munia obeuntes, suis hic nominibus  
& honoratissimis titulis appellandi essent,  
si per præclarissimam eorum modestiam  
& ruborem nostrum liceret. Norunt id  
MEMORANDORUM quos RESPUBLICA servat LIBRI,  
in quibus omnes isti atq; singuli, nunc va-  
rias REIPUBLICÆ partes insigni cum laude  
obeuntes, sui nominis non laudem tantum,  
sed & Nobilissimum posteritati exemplum  
reliquerunt. Ita quisque pro se, quantum  
Virtute, ingenio, autoritate, viribus vale-  
bant, conferebant: pulcherrimo Concor-  
diæ

diæ & in REGEM GLORIOSISSIMVM obsequi co-  
agulo præclarè compacti. Ad tam speciosa  
PROCERVVM URBIS exempla CIVES omnes iam  
consternationis obliti, & quasi ad periculū  
tum improvīsum longo temporis usu cō-  
parati, validiꝰ ingruenti vi pectora sua op-  
ponebant; nihil agentes diligentius, quàm  
ne uspiam in vicinis VRBilocis tutò vesti-  
gia hostis collocare posset. Hinc isti globo-  
rum, pondere, viribusq; gravissimorum,  
in URBIS moenia insultꝰ, mutuis non fulmi-  
nibus tantum, sed cædibus compensati  
sunt: cum non uni ex honoratioribꝰ hostis  
Militibus fatale fieret THORUNIVM tentasse.  
Sed unum erat, quod ut hostium callidos  
conatus magnopere promovebat, ita THO-  
RVNIENSIVM Virtuti, ne explicare se liberius  
posset, impedimemēto maximo erat. Sta-  
bant contigua URBI elegantissima SUBURBIA,  
multorum iam Annorum opus, & in quæ  
maximæ Civium multorum impensæ  
confluxerant. Nullus lautiorum Civium  
erat, qui non magnam facultatum suarum  
partem in illius loci penetralibus numera-  
M ret,



ret, nec pauci, qui si ea, quæ multo sudore  
collecta ibi possidebant, amitterent, re si-  
bi cum pulvisculo hunc in modum ablata  
vitam quoque adimi optarent. Iusti opidi  
schema in eleganti et amplissimo opere vi-  
sebatur, tanti ab hoste aestimatum, ut inter  
atrociora extorquendæ deditiois argu-  
menta SUBVRBIORVM incendium minitatus  
sit. Quid ergo? fomentum hosti præstare  
& receptacula, misérias cumulare miseriis  
erat: incubantem cervicibus, et iugulo UR-  
BIS, proprio quasi sanguine pascere, atque,  
quod vulgò dicimus, serpentem in sinu  
fovere, periculosissimum: vicinum non a-  
micum satis habere, inter ærumnarum: ho-  
stem verò, in vicinia, momentis omnibus,  
lethales ictus intentantem, inferentem, for-  
midare; inter extrema infelicitatis nomi-  
na censebatur. Nullam vim tam validam  
fore, quæ ipsis quasi URBIS visceribus impli-  
catum, et de Urbico pingvescentem prote-  
rere posset: aut si extrema urgerent, non  
abscessurum prius, quam ex militaris vin-  
dictæ modo in lacrimabiles favillas omnia  
info.

insolenter redegisset. **VRBEM** se concessisse, si limen indulgerent: et lenta quasi tabe confecturum pertinaces, si ad vim mora longiore uti posset. Hæc quidem Militaria Ingenia, et prudenter admodum, pensitabant, ut; quib9 nihil nisi quod hosti noceret, utile videretur: At qui civiliorum animum gerebant, luctuosa tanti facinoris facie inhorrescebant. Crudele quippe videbatur tot annorum labores, congestas tanta molestia facultates, immiti flammarum supplicio addicere: uti ejus Sævitiæ administris, quorum, ut parceretur innocuis parietibus, maximè intererat. Miserandum hosti ipsi spectaculum, nec illum nisi cum extrema adhibere vellet inhumaniter adeo grassari. Hæc et alia diversissimis rerum momentis agitabantur, donec pervaluit sententia, quæ honestiora magis quam utilia svadebat. Negligere enim, quæ utilia videntur, suo loco, magnam: necessitati parere; maximam utilitatis partem esse. Decernitur ergo fatalis ignis, cui exstingvendo, largissimæ lacrimæ sua deflenti-



flentium suffecissent. Pascebatur magno  
sudore compactis barbarum Elementum,  
nulla tectorum injuriâ, nisi, quod  
suscipere impuné hostem et abdere non  
deberent. Atq̃ve sic probari per ignem  
**CONSTANTIAM THORUNIENSIVM**  
oportuit, cum uno pæne momento am-  
plissimum tot ædium apparatus, cru-  
delis flamma absumeret, & tot industriæ  
mortalis specimina, tot hortorum specio-  
sissimæ voluptates, atq̃ve infinita, rerum  
omnis generis diversissimarum vis, va-  
nissimo ventorum pariter & ignis ludi-  
brio perderetur. A Veteribus accepi-  
mus, funestissimum illud, quod per de-  
cennium totum **TROIANAS & GRÆCAS**  
vires attrivit, bellum, in cineribus dein  
**TROIANIS** sopitum esse. Lugubrem  
tunc rerum faciem fuisse oportet, quam  
flebili adeo adfectu, Principis Poetarum  
ore, *Æneas* repræsentat: ut curiosiore cu-  
ra legendi, & à duritie illa *Stoæ* alieniori  
suboriri facile lacrimulæ possint. At  
has flammæ *Græci* excitarunt. *Græci*  
qvos

quos rapta per iniquissimum scelus fami-  
narum pulcherrima gravissimè irritave-  
rat. Græci qui cladibus per totum de-  
cennii spatium frequentatis nonnisi fu-  
rore parentari volebant. Verbo: ab in-  
ferfissimorum hostium manu illata hæc  
clades Illo erat. At hic, Amici, Heri, Pos-  
sessores, non per oscitantiam: nam, ut id  
effectum darent, maximè vigilaverant:  
non odio, ut enim Amoris erga REGEM  
SERENISSIMUM vim obsignarent hanc  
odii personam sumferant; Sua, Suis la-  
boribus, sumtibus ad difficilimum fasti-  
gium perducta: nec sibi tantum; sed & ad  
seræ posteritatis usum destinata miseran-  
dum in modum accenderunt, exusse-  
runt, in nihilum redegerunt, solo æqua-  
verunt. Sævisima Belluarum NERO, mi-  
rum in modum sibi placebat, cum susci-  
tatum sua nequitia in VRBE ROMA incen-  
dium continuata per aliquot dierum spa-  
tium impiissima voluptate spectaret,  
monstrum futurum celebrius, & gra-  
tum magis POPULO ROMANO incendium  
N illud



illud redditurum, si in flammās incidisset. At nos ō Cives obsequium non voluptas: fidelis animus, non crudelis: constantia non infania: ad grande illud suscitatarum flammarum spectaculum adgere. Carthaginensium ultima illa clades, (qva æmula diu Romani Imperii Civitas ultricibus flammis deleta est) SCRIPIONI, ob victrices, quas in Africa circumtulit Aquilas, AFRICANO dicto, lachrimas elicuit: non tam fortasse miserationis; qvām, qvōd postea edidit, de Romana Iuventute præfagii motu. Sed has ipsas flammās Romani, qvibus Punica arma gravia toties incubuere, qvorum portas, disfectis Alpibus, HANNIBAL frequentius terruerat: qvibus ad Alliam & Cannas miserabiles clades dies atros signaverant, injecere. Diversissima hic rerum facies: qvi præsidium debebant, faces, qvi auxilia ruinam, qvi solatium flammās, qvi consilium, extremum exitium intulere. Videor mihi audire, generosas illas Civium, luctum priorem, neces-

necessitatis lege incrustantium, voces.  
Injice, ure, exure, pereat SUBURBIUM, ne  
VRBIS fides langveat, emoriantur quæ  
extra moenia sunt, ut in mænibus fides  
& CONSTANTIA vivant, eant in ci-  
neres omnia, modò pectora solidentur.  
Incaluit tunc repentinis flammis omnis  
circa VRBEM ambitus, ne quod intra eam  
erat, affectu teperet: diffusa per disita  
longè camporum æqvora flammaram  
claritudo est, ut fulgor Virtutis paten-  
tissima ORBIS Terrarum Spatia com-  
pleret. Confudistis diei & noctis vi-  
ces THORVNIENSES, ne fraudi & per-  
fidia, qui densissimi tenebrarum foetus  
sunt, latibulum apud Vos unqvam esset.  
Stetisti tunc PATRIA MATER, stetisti  
Chamæleon & quasi ex ipsis flammaram  
crepitaculis ulteriora Virtutum nutri-  
menta caperes, ipsum illum Tibi ignem  
peperisti. Qvos casus omni à se opere  
Mortales amoliuntur, Tu, ne casu in com-  
pendium hosti caderes, proprio Tibi qua-  
si iumento accersivisti: Verè per ignem  
CON-



CONSTANTIAM probasti, veré in ipso quasi funestissimarum flammarum meditullio fidei Tuæ documentum edidisti: Irritatus hac Virtute hostis, sensit sibi cum iis rem esse, qui sua primum; mox seipsum, si imminerent extrema, contemnere didicissent: adeoque non molli eos brachio tractandos esse omnino existimavit. Hinc per medias nebulas stricto ad exacerbandum Militis furorem gladio propiora VRBIS petens magno impetu CATHARINÆ ut vocant portam tentari iussit, ingentibus primo Machinarum Martiarum boatibus perterritam, mox violenter convulsam. Sed & hic compertum est, eos, qui ad primam ingruentium periculorum famam aliquid percelluntur, si tempus & locus inspiciendi penitus periculi ipsis contingat, ultro despicere, quæ majora videbantur: & vel exigua mora minui, quod intolerabile primum censebatur. Nam imbellis quoque sexus ad obstruendas, si qua perrumpere violentia hostilis

ten-

tentaret lacunas, impedimenta multa  
comportavit: & si hæc non superessent,  
restabant quibusvis duriora CIVIVM  
scilicet pectora. Hi locis suis dispositi &  
cōstanter & feliciter occurrentiū sibi ma-  
nipulos plumbo impetebant, atque ab eo-  
rum insultibus magna se felicitate libe-  
rabant. Rejectas ergo ab eo loco vi  
CIVIVM atque virtute turmas, longo  
ordine disjunctas CULMENSIS PORTÆ  
admovent, non uno expugnandæ ejus  
modo instructus. Iam dispositæ infi-  
diæ: infixa portæ, quæ totam cardinibus  
suis revulsam disjiceret, Machina: exspe-  
ctantes, quamprimum aperienda direp-  
tioni esset porta, equites: omnia solerti  
consilio, collectis viribus, præsentī ani-  
mo, firmo apparatu ad faciendum vi adi-  
tum bellicè instructa. Et iam suum for-  
tita effectum Machina primum VRBIS  
aditum, nondum latus nudaverat: iam  
turrim munitissimam Triginta ex hosti-  
bus Viri occupaverant, adeoque actum  
de CIVIVM studio videbatur, cum

O

victri-



victricia hostis tela & ipsis moenibus nostros perturbarent, & quos extra moenia quærebamus in nostro quasi amplexu ad penetralia VRBIS interiora penetrantes occulerentur. Non alias magis toto hoc obsidionis, non sanè scenicæ tempore animadversum est, quantum Eorum, qui fidei causa se devovent, Virtus posset. Potiebatur VRBE indignabundus Hostis, atque ex ipso Ejus aditu resistere, volentes conficiebat. Iam parata Victoria putabatur: subacta CIVILVM vis: calcata ferocia: in mundo insignis præda: aperta ad infestandam POLONIAM ianua & momentum rerum tantum, quantum sperare multi, procurare hætenus nemo poterat. Sed Virtuti nihil impervium, illi præsertim quæ Supremi Numinis curam in partibus habet. Eluxit enim tunc singularis Supremi Numinis erga hanc VRBEM Clementia, & Angeli Tutelaris vigil oculus. Cùm enim qui potissimos ad VRBEM per Portam CVLMENSEM aditus oc-

tus occupaverant, sublaturi signum, quo ad invadendam Portam latentes in insidiis equites exciri debebant, ignes suos artificiosos emitterent, secus quam constituerant, res cadens, & eorum diligentiam, & spem aliorum rapaci animo prædam iam dividendium elusit. Consilia suis aliquando fundamentis, incertæ admodum basi eventus innituntur. Hinc dum deliberant Mortales, dum rationibus sua adstruunt, speciosa & quasi eventum dextrum debentia videntur: ubi exsequi cepere quod consultum est, nihil sperato successu infrequentius. Optimum ergo consilium in DEI potentia est, & tum demum vident oculatissimi, cum benignus Supremi Numinis Oculus eos respicit, tum operantur manus robustissimæ, cum Dextra Divina eas ducit; Irritis itaque circa hanc quoque portam Hostis conatibus; cum præterea, eiectionis, qui celeriter nimis turrim occupaverant militibus: CIVES explodendarum bombardarum finem nullum facerent:



cerent : sed, quantum assequi poterant, frequentatis Machinarum mugitibus omnia latè infestarent, & pari PORTÆ omnes diligentia contra vim munirentur: Dux Exercitus hostilis, comitantibus, quos frequenti studio CIVES iaculabantur, globis, nullam sibi ulterius de CIVIBVS fidei, semel REGI suo datæ, immori volentibus Victoriā permittens, recesit. Posteræ diei primum Exordium à nova armorum suorum ostentatione exorsus, alacres in excubiis CIVES reperit, quasi brevi isto, quo cum eo pugnarant, temporis spatio, Veteranorum peritiam didicissent. Nam & plura retundendo hosti tormenta expedita, novis quibusdam fulminibus ausa ejus remorabantur: & ex primariis ejus militibus quidam, dum insolentius Equum in glacie exercet: globo petitus, lethali, quodam gyro percussus fatalem horam explevit. Idem eodem die aliorum fatum atqve inter hos Legionum Ductoris fuit; Irritati quippe CIVIVM  
animi

animi, prioris, in quam ex nimia periculi  
celeritate inciderant, consternationis ru-  
borem, frequenti hostium sanguine elue-  
bant, & destinatis singulari quadam di-  
ligentia ictibus, satis sibi faciebant. Tan-  
dem decreto discessu, ne nullum prorsus  
fecisse operæ pretium videretur: decli-  
nato etiam vix magno periculo, quo é  
cænantis regione, ingens globus parie-  
tem perruperat: Tubicinem, ut ingentem  
pro liberandis quæ ad VRBEM specta-  
bant prædiis argenti vim deposceret, ad  
VRBEM ablegavit. Sed iam didicerant  
THORVNIENSES nihili hæc præ fide  
in REGEM facere: iam, postquã Se, Cō-  
juges, Liberos, periculo objecerant: post-  
quã ignem ipsi facultatibus amplissimis  
iniecerant, vanum illud terriculamētum  
videbatur: dignum quod nervoso & vi-  
rili responso ita exciperetur: THORV-  
NIENSES auro Amicos; plumbo & fer-  
ro, qui ita, ut ille, se gessissent, hospites  
excipere. Atque ita, non horribilis ille  
flamarum, lucem suam, locis, magna  
spatii intercapedine divulsis, cum horro-  
P. rein-



re incutientium ignis: non repetita summo impetu hostilium machinarum fulgura, & prosterntes obvia quæque infensi globi: non ingens militum, equitis quoque & peditis munia, ex spe VRBE potiundi confundentium ardor: pulcherrimam VRBEM terruerunt, quominus hostem robore validum, Victoria recenti ferocem, peritia veteranum fortiter sustineret, & præsidio omni, nisi quod propria Virtus imposuerat, destituta, promissa contemneret, minas reprimeret, vim confunderet. Amovimus DEI ope & Vestra, CIVES, Virtute Tragica licentiæ militaris specimina, quæ non sacra à profanis, non ætates, non sexum distinguit, sed dum Victoriā persequitur, cuiusvis facinoris liberrimam sibi licentiam esse arbitratur. Amovimus crudeles direptiones, immania tormenta, rerum sacrarum & profanarum expilationes, atque eiusmodi, quæ explendæ suæ avaritiæ procudere impietas bellica solet, inventa; amovimus. Quod hostis

hostis felicitas hoc obice sufflaminata sit:  
quod victrices legiones ab intimis Regni  
POLONIÆ medullis prohibitæ: quod  
interversum fixum in PRUSSIA vesti-  
gium: DEO id & Vestræ Virtuti debe-  
tur. Vos enim THORVNIENSES  
Fidem Regibus debitam, sanguinis at-  
que vitæ dispendio asserendam existi-  
mantes, non promissa levitate, minas me-  
tu, flammæ horrore, fulgura tremore, fer-  
rum fuga, sed omnia CONSTANTIA  
excepistis, Mortem eligentes in qua pul-  
cherrima Vitæ imago spiraret. Am-  
biebant Vos Flammæ, sed ut pretiosissi-  
mum Adamantem, ornatus causâ au-  
rum ambire solet: impetebant pericu-  
losissimæ procellæ, sed Vestra Virtus sua  
inter horribiles earum vices Alcyonia e-  
git. Non tam vallorum molem, non  
fluviorum quam hyems expleverat pro-  
funditatem, non invictam mœnium so-  
liditatem, quam Tutelarem VRBIS An-  
gelum, & Virtutem viribus opposuistis.  
Videbit sera posteritas locum, quem ne  
pectus




pectus POLONIÆ REGIBUS consecratum  
nudaretis, omni ornatu spoliare per ignis  
vim voluistis. Audiet ista solennitatis  
Anniversariæ jubila, & plausus, atque ut  
in tantæ Virtutis admirationem, ita ad E-  
xemplum rapietur. Æstimabit fidem  
quam penitissimo æstu calentem GLORI-  
OSISSIMUS SENUM SIGISMUNDVS Re-  
gio ore probavit, præconiis rarioribus  
cumulavit, & Serenissimis CLEMENTIÆ  
REGIÆ Radiis conspicuam in POTENTISSI-  
MI REGNI, iminò Orbis totius conspectu  
collocatam esse voluit. Admirabitur  
peculiarem hanc VRBI PRIMARIÆ erga  
REGES SUOS & DOMINOS venerationem,  
post excussam superiorū Seculorum Ty-  
rannidem, æterno Sanguinis Sigillo obfi-  
gnatam, POLONIA: quam tanti iam  
tum fecit, ut liberrimam à censu, toto eo  
belli tempore sollemnissima Comitiorum  
voce pronuntiaverit. Siquid Laudis est,  
non obrui à bellatoribus inermes: si quid  
Gloriæ imparatos cum acie instructissima  
feliciter configere: si Virtutis, ubi in hu-  
manis

manis nihil Spei superat, non desperare:  
Si Fidei, non minis, ferro, flammis: non  
orbitate facultatum omnium, non mo-  
mentaneis Mortis præsentissimæ imagi-  
nibus terreri, omne id in Tuum Sinum  
THORVNIVM Cultissima est effunden-  
dum. Quid erit CONSTANTIA Tua  
clarius? in ignibus mediis effulset: quid  
FIDE solidius? plumbo & ferro durata est:  
quid PIETATE ardentius? quæ fervidissi-  
ma ex flammis alimenta accepit. Acci-  
pe Locum in Annalibus præclara Virtus,  
Accipe æternam memoriam. Vos autem  
conservate hanc Gloriam CIVES! atque  
ea macti, vel florentibus Pacis Rebus per-  
petuum obsequium: vel, si ita summo IM-  
PERATORI visum fuerit; similis  
imposterum Virtutis atque  
CONSTANTIÆ Spe-  
cimen edite

THORUNIENSES.


☞ ( o ) ☞



Q




















Biblioteka Jagiellońska



stdr0010464



